



ԲԿ ՄԿԿ «ՌՈՒՄ-ՀԱՅԿԱԿԱՆ ՀԱՄԱԼՍԱՐԱՆ»

ՀԱՍՏԱՏՎԱԾ Է

**ՌՈՒՄ-ՀԱՅԿԱԿԱՆ ՀԱՄԱԼՍԱՐԱՆԻ
ԳԻՏԱԿԱՆ ԽՈՐՀՐԴԻ**

2024թ. նոյեմբերի 1-ի № 335 որոշմամբ

**(լրացումներով և փոփոխություններով առ 21.03.2025թ., որոշում №396,
լրացումներով առ 05.06.2026թ., որոշում №550)**



Է.Մ.ՍԱՆԴՈՅԱՆ

«ՌՈՒՄ-ՀԱՅԿԱԿԱՆ ՀԱՄԱԼՍԱՐԱՆ»


**ԲԱՐՁՐԱԳՈՒՅՆ ԿՐԹՈՒԹՅԱՆ ՄԻՋԳԵՏԱԿԱՆ ԿՐԹԱԿԱՆ ԿԱԶՄԱԿԵՐՊՈՒԹՅԱՆ
ՈՒՍԱՆՈՂՆԵՐԻ ՀԵՌԱՑՄԱՆ (ԱԶԱՏՄԱՆ) ԵՎ ՎԵՐԱԿԱՆԳՆՄԱՆ
ԿԱՆՈՆԱԿԱՐԳ**





1. ԸՆԴՀԱՆՈՒՐ ԴՐՈՒՅԹՆԵՐ

- 1.1. «Ռուս-Հայկական համալսարան» Բարձրագույն կրթության միջպետական կրթական կազմակերպության (այսուհետ՝ Համալսարան) հեռացման (ազատման) և վերականգնման կանոնակարգը (այսուհետ՝ Կանոնակարգ) կարգավորվում է Համալսարանի բակալավրի և մագիստրոսի կրթական ծրագրերով ուսումնառող ուսանողների հեռացման, ազատման և ուսանողական իրավունքների վերականգնման հետ կապված հարաբերությունները:
- 1.2. Սույն կանոնակարգի իրավական հիմք են հանդիսանում՝
 - 1.2.1. ՀՀ «Բարձրագույն և հետբուհական մասնագիտական կրթության մասին» 2004թ. դեկտեմբերի 14-ի թիվ 30- 62-Ն օրենքը,
 - 1.2.2. «Հայաստանի Հանրապետության բարձրագույն ուսումնական հաստատությունների ուսանողների հեռացման (ազատման) և վերականգնման կանոնակարգը հաստատելու մասին ՀՀ Կրթության և գիտության նախարարության 17.11.2011թ. նոյեմբերի 17-ի թիվ 1242-Ն հրամանը՝ առ 18.12.2017թ. 1676-Ն հրամանի խմբագրությամբ,
 - 1.2.3. «ՀՀ պետական հավատարմագրված նախնական, միջին, բարձրագույն եվ հետբուհական մասնագիտական ուսումնական հաստատություններում ուսանողներին (մագիստրանտներին) եվ ասպիրանտներին ակադեմիական արձակուրդ տալու կարգը հաստատելու մասին» ՀՀ Կրթության և գիտության նախարարի 997-Ն առ 22.12.2006թ. հրամանը,
 - 1.2.4. ՀՀ ՁՈՒ զորքերում ծառայություն իրականացրած ուսանողների ուսումնական գործընթացի մեխանիզմը հաստատելու մասին 02/1313 առ 25.12.2013թ. հրամանը:
- 1.3. Սույն կանոնակարգում օգտագործվող հասկացություններն են.
 - 1.2.5. ակադեմիական պարտք՝ կիսամյակի քննաշրջանի արդյունքներով՝ ներառյալ երկու վերահանձնման փուլերը, տվյալ առարկայական դասընթացի (մոդուլի) համար սահմանված կրեդիտը չհավաքելը,
 - 1.2.6. ակադեմիական անբավարար առաջադիմություն՝ քննաշրջանի արդյունքներով անհրաժեշտ կրեդիտները չհավաքելը,
 - 1.2.7. առարկայական (ծրագրային) տարբերություն՝ ուսանողի ուսումնառած ուսումնական պլանում չընդգրկված առարկան կամ որևէ առարկայից կրեդիտների մեկ երրորդից ավելի տարբերությունը,
 - 1.2.8. ուսումնառության ընդհատում՝ սույն կարգով սահմանված հիմքերով հաստատությունից ուսանողի հեռացում կամ ազատում կամ ուսումնառության դադարեցումը:



2. ՀԱՄԱԼՍԱՐԱՆԻՑ ՌԻՍԱՆՈՂՆԵՐԻ ՀԵՌԱՑՈՒՄԸ

2.1. Հաստատությունից ուսանողը հեռացվում է.

2.1.1. ակադեմիական անբավարար առաջադիմություն ցուցաբերելու հիմքով՝ բացառությամբ սույն կարգի 2.2. կետով նախատեսված դեպքերի,

2.1.1.1. ՌՀՀ կանոնակարգով և ռեկտորի հրամաններով սահմանված ժամկետում, անկախ առարկաների և /կամ/ պրակտիկաների քանակից, ակադեմիական պարտքերը չմարելու և (կամ) ակադեմիական տարբերությունները չհանձնելու դեպքում:

2.1.2. ՀՀ օրենսդրությամբ կամ Համալսարանի կանոնադրությամբ կամ ներքին կարգապահական կանոններով կամ հաստատության և ուսանողի միջև կնքված ուսումնառության պայմանագրով սահմանված պարտականությունները չկատարելու կամ ոչ պատշաճ կատարելու դեպքերում.


2.1.2.1. Հաստատության կողմից սահմանված ժամկետում ուսման վարձավճարը չվճարելու դեպքում,

2.1.2.2. Կիսամյակի /ուսումնառության/ ընթացքում մեկ առարկայի ուսումնական պարապմունքներից 60 տոկոս և ավելի: «Ռուս-Հայկական համալսարան» բարձրագույն կրթության միջպետական կրթական կազմակերպության Ուսումնառողի կարգապահական օրենսգրքի 5.3-րդ, 5.4-րդ և 5.5-րդ կետերով նախատեսված մեկ ամսվա ընթացքում անհարգելի բացակայությունների համար կարգապահական տույժի առկայության դեպքում կարգապահական տույժի հիմք հանդիսացող անհարգելի բացակայությունների ծավալը հաշվի չի առնվում;

2.1.2.3. Կիսամյակի ընթացքում բոլոր առարկաներից 40 և ավելի տոկոս անհարգելի բացակայությունների դեպքում: «Ռուս-Հայկական համալսարան» բարձրագույն կրթության միջպետական կրթական կազմակերպության Ուսումնառողի կարգապահական օրենսգրքի 5.3-րդ, 5.4-րդ և 5.5-րդ կետերով նախատեսված մեկ ամսվա ընթացքում անհարգելի բացակայությունների համար կարգապահական տույժի առկայության դեպքում կարգապահական տույժի հիմք հանդիսացող անհարգելի բացակայությունների ծավալը հաշվի չի առնվում;

2.1.2.4. Ստուգարքներին և քննություններին /քննաշրջանին/ անհարգելի պատճառով չներկայանելու դեպքում:

2.1.3. Ակադեմիական արձակուրդի ժամկետը լրանալու դեպքում, 10-օրյա ժամկետում, անհարգելի պատճառով չներկայանալու պարագայում, բացառությամբ 4.1 կետով նախատեսված դեպքի,



- 2.1.4. Ամփոփիչ ավարտական աշխատանքների պաշտպանությանը անհարգելի բացակայության կամ անբավարար գնահատական ստանալու դեպքում,
- 2.1.5. Ուսումնական գործընթացի հետ կապված փաստաթղթերը կեղծելու դեպքում,
- 2.1.6. Մահվան կամ անհայտ կորած ճանաչելու դեպքում,
- 2.1.7. Ուսանողին ազատազրկելու կամ նրա նկատմամբ այլ պատժամիջոցների կիրառման դեպքում՝ որոնց պատճառով ուսանողը չի կարող ներկայանալ համալսարան:

2.2. Ընթացիկ ակադեմիական անբավարար առաջադիմություն ցուցաբերած ուսանողներին թույլատրվում է մինչև ավարտական ուսումնական տարվա սկիզբը լրացնել առավելագույնը 12 կրեդիտ կազմող ակադեմիական պարտքերը՝ հաստատության կողմից սահմանված կարգով և ժամկետներում ևս երկու անգամ վերահանձնելով համապատասխան առարկայական դասընթացները, որոնց ցանկը հաստատում է հաստատությունը՝ հաշվի առնելու:

3. ՀԱՄԱԼՍԱՐԱՆԻՑ ՈՒՍԱՆՈՂՆԵՐԻ ԱԶԱՏՈՒՄԸ

- 3.1. Ուսանողը ազատվում է Համալսարանից.
 - 3.1.1. իր դիմումի համաձայն,
 - 3.1.2. այլ հաստատություն տեղափոխվելու դեպքում,
 - 3.1.3. ամփոփիչ ատեստավորումը հաջողությամբ անցնելու դեպքում
- 3.2. Համալսարանից ուսանողի ազատման մասին հրաման իր դիմումի համաձայն չի կարող տրվել, եթե նա ենթակա է հեռացման համաձայն սույն կարգի 2-րդ կետով նախատեսված դեպքերի:

4. ՈՒՍԱՆՈՂԻ ՈՒՍՈՒՄՆԱՌՈՒԹՅԱՆ ԴԱԴԱՐԵՑՈՒՄԸ

- 4.1. Ուսումնառողի ուսումնառությունը դադարեցվում է.
 - 4.1.1. ժամկետային ժամկետային պարտադիր կամ շարքային և սպայական կազմերի պարտադիր զինծառայողների՝ ծառայության ընթացքում պայմանագրային զինվորական կամ այլընտրանքային ծառայության զորակոչվելու դեպքում,
 - 4.1.2. հղիության և ծննդաբերության, ինչպես նաև մինչև 3 տարեկան երեխայի խնամքի արձակուրդում գտնվելու դեպքերում,
 - 4.1.3. առողջական վիճակի պատճառով ակադեմիական արձակուրդ ձևակերպելու դեպքում:

5. ՀԵՌԱՑՄԱՆ (ԱԶԱՏՄԱՆ) ԳՈՐԾԸՆԹԱՑԻ ԿԱԶՄԱԿԵՐՊՈՒՄ

- 5.1. Հեռացված կամ ազատված արական սեռի ուսանողների վերաբերյալ հրամանները 3 աշխատանքային օրվա ընթացքում հաստատության



կողմից ներկայացվում են համապատասխան տարածքային զինվորական կոմիսարիատներ: Պարտադիր զինվորական ծառայության զորակոչից տարկետման իրավունքով ընդունված, սակայն հաստատությունից հեռացված (ազատված) ուսանողը զրկվում է տարկետման իրավունքից:

- 5.2. Ուսանողի հեռացման կամ ազատման դեպքում, 5 աշխատանքային օրվա ընթացքում, ըստ պահանջի՝ Համալսարանի կողմից սահմանված կարգով նրան տրամադրվում են համապատասխան հրամանի պատճենը, ակադեմիական տեղեկանքը և միջնակարգ կամ միջին մասնագիտական կրթության ավարտական փաստաթուղթը: Համալսարանի կողմից հաստատված ավարտական փաստաթղթի պատճենը պահվում է ուսանողի անձնական գործում:
- 5.3. Սույն կարգի 2-րդ կետի 2.1.1. ենթակետով նախատեսված դեպքում, Համալսարանից ուսանողի հեռացման հրամանը տրվում է կիսամյակի քննաշրջանի ակադեմիական պարտքերի վերահանձնման արդյունքների ամփոփումից հետո 5 աշխատանքային օրվա ընթացքում, որի մասին ուսանողը նախապես գրավոր տեղեկացվում է:


6. ՈՒՍԱՆՈՂԻ ՈՒՍԱՆՈՂԱԿԱՆ ԻՐԱՎՈՒՆՔՆԵՐԻ ՎԵՐԱԿԱՆՁՆՈՒՄԸ

- 6.1. Ուսանողական իրավունքների վերականգնումը թույլատրվում է սկսած առաջին կուրսի երկրորդ կիսամյակից, ուսուցման բոլոր ձևերում, տվյալ մասնագիտության (կրթական ծրագրի) համար լիցենզիայով սահմանված տեղերի շրջանակում, բացառությամբ սույն կարգի 4-րդ կետով սահմանված դեպքերում ուսումնառությունը դադարեցրած ուսանողների, որոնք վերականգնում են իրենց ուսանողական իրավունքներն այն պահից, երբ ընդհատել են, անկախ լիցենզիայով սահմանված տեղերի քանակից: Սույն կարգի 2-րդ և 3-րդ կետերին համապատասխան Համալսարանից հեռացված կամ ազատված ուսանողի ուսանողական իրավունքները վերականգնվում են ուսումնառությունն ընդհատելուց առնվազն մեկ կիսամյակ հետո, անկախ ուսուցման ձևից:
- 6.2. Սույն կարգի 4-րդ կետի նշված դեպքերում ուսումնառությունը դադարեցրած ուսանողները վերականգնվում են մինչև ուսումնառության դադարեցումն ունեցած կարգավիճակի պահպանմամբ: Մնացած դեպքերում ուսանողի ուսանողական իրավունքները վերականգնվում են վճարովի ուսուցման համակարգում:
- 6.3. Չի թույլատրվում հավատարմագրում չունեցող հաստատությունների (մասնագիտությունների) նախկին ուսանողի ուսանողական իրավունքները վերականգնել Համալսարանում:
- 6.4. Առկա ուսուցման համակարգում ուսանողական իրավունքները վերականգնելու վերաբերյալ դիմումները ներկայացվում են ռեկտորին՝ կիսամյակների ուսումնական պարապմունքներին նախորդող և




հաջորդող երկու շաբաթների ընթացքում, իսկ հեռակա ուսուցման համակարգում՝ կիսամյակների ուսումնական պարապմունքներին նախորդող երեք շաբաթների ընթացքում: Վերականգնման դիմումին կցվում է ակադեմիական տեղեկանքը կամ ստուգման գրքույկի պատճենը:

- 6.5. Վերականգնման պահին միայն տվյալ կիսամյակի ակադեմիական պարտքեր ունենալու դեպքում ուսանողական իրավունքները վերականգնելու վերաբերյալ դրական որոշում կայացնելիս Համալսարանի կողմից տրվում է վերականգնման հրաման:
- 6.6. Առարկայական տարբերությունների կամ նախկին կիսամյակներից ակադեմիական պարտքերի առկայության դեպքում ուսանողական իրավունքները վերականգնելու վերաբերյալ դրական որոշում կայացնելիս Համալսարանի կողմից տրվում է կցագրման հրաման: Համալսարանի կողմից սահմանված կարգով, մինչև տվյալ կիսամյակի քննաշրջանի սկիզբը, առարկայական տարբերությունները հանձնելուց (առավելագույնը մեկ վերահանձնման հնարավորությամբ) հետո՝ սովորողը հրամանագրվում է:
- 6.7. Ակադեմիական պարտքերի մարումը իրականացվում է ուսումնական պլանով նախատեսված քննաշրջանի ժամանակահատվածում՝ ներառյալ երկու վերահանձնման փուլերը:
- 6.8. Վճարովի ուսուցման համակարգում ուսանողական իրավունքները վերականգնող ուսանողի հրամանագրումը կատարվում է միայն անհրաժեշտ վճարումները կատարելուց հետո Համալսարանի կողմից սահմանված կարգով և ժամկետներում: Ուսանողն ազատվում է նախկինում կրեդիտներ հավաքած առարկաների ուսումնական պարապմունքներից և ատեստավորումից: Ուսանողը պարտավոր է վճարել միայն այն առարկայական դասընթացների (մոդուլների) համար, որոնք ուսումնառելու է: Վճարը հաշվարկվում է ըստ դասընթացների ընդհանուր գումարային կրեդիտների քանակի՝ հաշվի առնելով Համալսարանում համապատասխան մասնագիտության (կրթական ծրագրի) համար տվյալ կուրսում սահմանված մեկ կրեդիտի արժեքը:
- 6.9. Ուսանողը վերականգնվում է այն կիսամյակում, որից ուսումնառությունն ընդհատվել է, եթե վերականգնման պահին վերահանձնման ենթակա առարկայական տարբերությունները և ակադեմիական պարտքերը չեն գերազանցում 20 կրեդիտը, բացառությամբ սույն կարգի 4-րդ կետով սահմանված դեպքերի: Հակառակ դեպքում ուսանողին առաջարկվում է իր ուսանողական իրավունքները վերականգնել ավելի ցածր այն կիսամյակից, որից ուսումնառության շարունակման դեպքում առարկայական տարբերությունների սույն կետում նշված պահանջը բավարարվում է:
- 6.10. Սույն կարգի 4-րդ կետի 1-ին ենթակետի համաձայն ուսումնառությունը դադարեցրած ուսանողը, Հայաստանի Հանրապետության



կառավարության 2023 թվականի փետրվարի 9-ի N 160-Ն որոշման N 1 հավելվածով սահմանված կարգով պայմանագրային զինվորական ծառայության անցնելու դեպքում, կարող է վերականգնել ուսանողական իրավունքները հեռակա ուսուցման համակարգում կամ մինչև պայմանագրի ավարտը երկարաձգել ուսումնառությունը դադարեցնելու ժամկետը:

- 6.11. Սույն կարգի 4-րդ կետի 1-ին ենթակետի համաձայն ուսումնառությունը դադարեցրած ուսանողը վերականգնվում է ուսումնառության դադարեցման պահից, եթե ուսանողն իր իրավունքները վերականգնելու վերաբերյալ դիմումը ներկայացրել է ուսումնառության դադարեցման պատճառը վերանալու օրվանից հետո ոչ ուշ, քան երկու ամսվա ընթացքում ձմեռային զորակոչի դեպքում և երեք ամսվա ընթացքում ամառային զորակոչի դեպքում՝ անկախ տվյալ մասնագիտության (կրթական ծրագրի) համար լիցենզիայով սահմանված տեղերի քանակից, առաջացած առարկայական տարբերություններից ու ակադեմիական պարտքերից: Նշված ժամանակահատվածի ընթացքում վերականգնման դիմում չներկայացնելու դեպքում ուսանողը հեռացվում է հաստատությունից:
- 6.12. Սույն կարգի 4-րդ կետի համաձայն ուսումնառությունը դադարեցրած ուսանողը վերականգնման պահին նախկին մասնագիտությամբ (կրթական ծրագրով) համապատասխան կուրսի բացակայության դեպքում՝ Համալսարանի առաջարկությամբ և ուսանողի համաձայնությամբ, կարող է վերականգնվել հարակից մասնագիտությամբ (կրթական ծրագրով), իսկ վերջինիս բացակայության պարագայում՝ այլ մասնագիտությամբ (կրթական ծրագրով)՝ անկախ տվյալ մասնագիտության (կրթական ծրագրի) համար լիցենզիայով սահմանված տեղերի քանակից, առաջացած առարկայական տարբերություններից ու ակադեմիական պարտքերից:
- 6.13. Վճարովի ուսուցման համակարգում վերականգնված ուսանողը կարող է մասնակցել ուսանողական նպաստի հատկացման (փոխատեղման) համար անցկացվող մրցույթին առնվազն մեկ ուսումնական տարի սովորելուց հետո: Ուսանողական նպաստի ձևով ուսման վարձի լրիվ փոխհատուցմամբ ուսումնառությունը կարող են շարունակել Հայաստանի Հանրապետության օրենսդրությամբ սահմանված կարգավիճակ ունեցող ուսանողները:
- 6.14. Վերականգնված ուսանողի դիմումը, ակադեմիական տեղեկանքը, վերականգնման մասին հրամանի պատճենը, Համալսարանի հետ կնքած պայմանագիրը, միջնակարգ կամ միջին մասնագիտական կրթության ավարտական փաստաթուղթը և ուսման վարձավճարի վճարման անդորրագրի պատճենը պահվում են նրա անձնական գործում:



7. ԱՆՏՈՒՄԱՅԻՆ ԴՐՈՒՅԹՆԵՐ

- 7.1. Սույն կարգի 4.1.1-րդ կետի դրույթը չի տարածվում պարտադիր գինվորական ծառայությունից տարկետման իրավունքով հաստատություններ ընդունված ուսանողների, ինչպես նաև Հայաստանի Հանրապետության պաշտպանության նախարարության պատվերով սովորող ուսանողների և կուրսանտների վրա:
- 7.2. Սույն կանոնակարգում փոփոխությունները և լրացումները կատարվում են Համալսարանի Գիտական խորհրդի որոշման համաձայն: